



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCLI. ad annum CCCCLXXV.

**Parisiis, 1644**

Epistola IX. Hilari papæ ad Leontium.

**urn:nbn:de:hbz:466:1-14887**

obseruanda constituat: nec in iniuriam alterius alienum clericum fuscipi præter testimonium proprii antistitis secundum Canonum statuta præcipiet. Singuli autem fratres, vniuersique cognoscant parendum esse præsentibus constitutis. quibus etiam commonitio nostra denuntiat in eos Christi Domini nostri iudicium minime defutrum, qui declinando superba rebellione conuentus, conscientia suæ testimonio confutantur sacerdotalis innocentia fiduciam non habere.

## IV.

Præterea eiusdem fratris libellus oblatus est nobis, quo perhibet parochias Arelatenfis ecclesiæ a prædecessore suo Hilario in alios (quod non licuit) fuisse translatas, petens illas pristino iuri nostra auctoritate restitui. Sed moderaminis apostolici memores, fraternitati vestræ querelam ipsius remisimus audiendam, vt in vestro conuentu ea quæ a nobis sperata sunt, allegentur, & quæ ecclesiasticis regulis congruunt, decernantur.

## V.

Simul etiam super hoc vniuersam fraternitatem volumus esse commonitam, ne prædia, quæ neque deserta, neque damnoſa ſunt, & ad ecclesiam pertinent, ex quibus plurimorum confueuit necessitatibus subueniri, aliquo iure in alterum transferantur, niſi prius apud Concilium alienationis ipsius cauſa doceatur, vt quid fieri debat, communi omnium deliberatione tractetur. Deus vos incolumes custodiat, fratres cariſſimi. Data III. Nonas Decembris, GL. P. Seuero Auguſto conſule.

## EPISTOLA IX.

HILARI PAPÆ  
AD LEONTIVM.

De Mamerto episcopo, qui extra ſuos fines Deensibus episcopum ordinarat, vt illius cauſam in Synodo examinet.

*Dilectissimo fratri Leontio Hilarus.*

**Q**VALITER contra ſedis apostolicae veniens constituta, sacerdotalem modeſtiam Mamertus episcopus Viennensis exceſſerit, dilectionis tuae debuimus relatione cognoscere, vt ausibus talibus maturum & iux-

*Concil. Tom.9.*

Ooo

ta ecclesiasticarum ordinem regularum congruum iudicium proferremus. Quantum enim filii nostri, vi-  
ri illustris, magistri militum Gunduici sermone est in-  
dicatum, prædictus episcopus inuitis Diensibus, & qui  
ad ecclesiarum eius numerum, quem ei apostolica se-  
dis deputauit auctoritas, sicut in scriniis nostris legimus,  
minime pertinebant, hostili more, vt dicitur, occu-  
pans ciuitatem, episcopum consecrare præsumpsit. In  
quo, frater carissime, si ita est, quam multiplex culpa sit,  
pronuntiare possimus, nisi iudicii, vt diximus, & mo-  
deratio nobis esset, & ordo seruandus. Atque ideo me-  
mor sollicitudinis, quam dilectioni tua scis esse commis-  
sam, quidquid nunc ad notitiam nostram breui insinua-  
tione delatum est, in conuentu synodali, qui secundum  
statuta nostra annis singulis te sibi presidente est con-  
gregandus, discutere quæ sunt acta debebis, & a prædicto  
rationem facti sui sub vniuerso cœtu fraternitatis exigere,  
ac deinde omnium literis nostræ intimare notitiae; vt  
quod sancto Spiritu dictante est faciendum, ad com-  
primendos conatus illicitos ordinemus. Deus te incolu-  
mem custodiat, frater carissime. Data vi. Idus Octobris  
Basilio viro clarissimo consule.

## EPISTOLA X.

## HILARI PAPÆ

AD EPISCOPOS DIVERSARVM PROVINCiarVM  
GALLIÆ.

Ne quisquam suos terminos transcendat, & vt Concilia  
quotannis Leontii episcopi opera conuocentur.

*Dilectissimis fratribus episcopis prouinciae Viennenſis, Lugdu-  
nenſis, Narbonenſis primæ & secundæ, Alpinae,  
Hilarus episcopus.*

**E**T SI meminerimus fraternitatem vestram ea quæ sunt  
a nobis statuta retinere, nec aliquid ex his dissimu-  
lare quæ scripsimus: vt scilicet pro disciplina ecclesiasti-  
ca, & pro causis quas inter Domini sacerdotes oboriri  
plerumque non dubium est, synodalia quotannis Con-  
cilia, quorum maxime in fratre & coepiscopo nostro